

Ang Pinasahi nga Katawhan sa Dios

Leksyon 28

1. Ang Dios ba ang responsable sa kalibug sa relihiyon?

1 Corinto 14:33 _____

2. Daghan bang klase sa pagtoo ang anaa karon?

Efeso 4:4-5 _____

3. Ang lawas sa magtotoo ni Cristo sa yuta gitawag ug unsa?

Colosas 1:18 _____

4. Sa dihang adunay mabawtismuhan nga mga kalag, sila madungang sa asa?

Buhat 2:41, 47 _____

5. Ang balay sa Dios nga mao ang iglesya sa buhi nga Dios, mao ang unsa?

1 Timoteo 3:15 _____

Sa atong pagsugod niini nga pagtoon, kinahanglan atong hatagan ug pagtagad ang tulo ka mga kinaiya sa Iglesya sa Dios sa Iyang unang mga adlaw.

1. Ang pagtahud sa kasuguan sa Dios (Buhat 24:14, 1 Juan 3:22)
2. Ang presensya sa gasa sa profesiya (Buhat 11:27-28)
3. Ang pag-ila sa kalihukan o misyon sa tibuok kalibutan (Mateo 28:19; Colosas 1:23)

6. Unsa kadugay si Cristo makig-uban sa Iyang katawhan?

Mateo 28:20 _____

Karon atong subayon ang kasaysayan sa katawhan sa Dios sama sa natagna nga profesiya.

7. Unsa ang dakung katingalahan ang nakita sa langit?

Pinadayag 12:1 _____

“Kinsa ba kana siya nga nagalantaw sama sa kabuntagon. Matahum ingon sa bulan, Matin-aw ingon sa adlaw, Makalilisang ingon sa usa ka panon sa kasundalohan inubanan sa bandila.” Awit ni Solomon 6:10

8. Ang Dios nagpahisama sa anak nga babaye sa Sion (Iyang katawhan, Isaias 51:16) sama sa unsa?

Jeremias 6:2 _____

Sa Bibliya, ang iglesya sa daghang panahon girepresentahan sa usa ka babaye.

“Kamong mga banan, higugmaa ninyo ang inyong masigka-asaw, maingon usab nga si Cristo nahigugma sa iglesia ug mitugyan sa iyang kaugalingon alang kaniya, aron iyang balaanon siya sa mahinloan na niya siya pinaagi sa paghugas kaniyang tubig uban sa pulong, aron nga sa iyang atubangan ang iglesya ikatanyag diha sa katahum niini, nga walay buling o kunot o bisan unsang solosama niini, aron magmabalaan siya ug dili masaway.” Efeso 5:25-27

9. Si Pablo naghandum sa pagpadayag sa Iglesya isip unsa nga klase sa babaye?

2 Corinto 11:2 _____

10. Unsa ang lahi nga kahibulongan ang mipakita sa langit?

Pinadayag 12:3 _____

11. Kinsa ang dragon?

Pinadayag 12:9 _____

12. Ang babaye nanganak ug bata nga lalaki nga magabuhat ug unsa?

Pinadayag 12:5 _____

Kini nga bata, diin umaabot nga adlaw magahari sa mga nasud pinaggi sa “olisi nga puthaw” (Pinadayag 19:15)

13. Ang dragon mitindog sa atubangan sa babaye, nga buot magbuhat sa unsa?

Pinadayag 12:4 _____

Ang Mateo 2:13-16 nagsulti mahitungod sa sugilanon kon giunsa ni Satanas pagsulay sa pagpatay si Jesus isip usa ka bata.

14. Human si Jesus mibalik sa langit (bersikulo 5), unsa man dayon ang gibuhay ni Satanas sa Iyang iglesya?

Pinadayag 12:13 _____

15. Asa dayon mikalagiw ang tinuod nga Iglesya?

Pinadayag 12:14 _____

16. Unsa kadugay ang iglesya didto sa kamingawan?

Pinadayag 12:6 _____

Ang 1260 ka mga tuig sa paggahum sa Papa misungkad gikan sa 538 hangtud sa 1798. tungod sa pagkadunot sa iglesyang Romano, ug sa iyang paglutos batok sa mga supak sa pagtoo, ang tinuod nga iglesya napugos sa pagkalagiw aron sa pagtago niadtong panahona. Bisan wala giila sa kalibutan, ang mga matitud-anong sumusunod ni Cristo, sa taliwala sa mga bato sa kabukiran, nagpadayon sa ilang pag-unong ngadto sa kamatuoran. Uban kanila nga misupak sa atake sa Roma mao ang mga Waldenses sa Habagatang Alpa sa Europa diin sa gatasan ka mga tuig pagpreserbar sa lino nga Kasulatan ug nagtahod sa Adlawng Igpapahulay.

Ang Iglesya, bisan pa niana, dili magapabilin diha sa pagkatago. Sama nga kini mikalagiw ngadto sa kamingawan, kini usab magagawas. Ang iglesya ni Cristo, ang haligi ug pagtukuranan sa pagtoo, adunay buhaton diin magapdayon hangtud sa katapusan sa kalibutan. Tungod niini kita magapangita niana nga iglesya ang magapakita sa dayag human sa 1798 aron sa pagtapos sa buluhaton.

Apan taliwala sa gatasan ka mga pundok nga anaa sa atong panahon karon, unsaon nato pag-ila ug pagsabot sa tinuod nga iglesya? Maayo gani kay kita wala gipasagdan nga magtagna. Ang pulong sa Ginoo naghatag ug klaro nga paghulagway.

17. Sa dihang ang iglesya mipakita gikan sa kamingawan, si Satanas miadto aron sa pagpakiggubat kang kinsa?

Pinadayag 12:17 _____

Ang babaye magrepresentar sa mga iglesya nga buhi sa panahon sa 1798, o sa mga iglesya Protestante. Ang kaliwat niining babaye mao ang iglesya sa Dios nga mupakita human sa 1798. Ang Salin sa iyang kaliwat mao ang katapusang iglesya sa Dios nga mupakita sa katapusang mga adlaw sa kasaysayan sa yuta. Ang Salin mao ang “usa ka butan nga nahibilin... usa ka piraso sa panapton... isip usa ka nahibilin human sa pagkahalin sa dakung bahin... usa ka gamay, nahibilin nga grupo sa katawhan.” The American Heritage Dictionary. Mao nga ang “salin sa iyang kaliwat” mao ang nabilin sa tinuod nga iglesya ni Cristo sa katapusang adlaw sa kasaysayan sa yuta human sa takna sa 1260 ka tuig natapos ug sa hiniusang pag-apostasiya sa tanang iglesya sa tibuok Cristohanong kayutaan nahitabo.

18. Ang unang ilhanang timaan sa salin sa dihang sila mupakita human sa 1798 mao nga sila nagbantay sa unsa?

Pinadayag 12:17 _____

19. Kinahanglan ba sila atong pangitaon nga nanagbantay sa tanang napulo ka sugo, lakip ang usa mahitungod sa Adlawng Igpapahulay?

Santiago 2:10 _____

20. Unsa ang ilang buhaton sa kasugoan sa Dios gawas sa pagtuman kanila?

Mateo 5:19 _____

21. Ang ikaduhang ilhanang timaan sa salin mao nga sila adunay unsa?

Pinadayag 12:17 _____

Ang Greygo nga pulong alang sa “adunay” #2192 sa Strong's Greek Concordance, ug kini nagkahulugan sa paghupot o sa pagsunod. Mao nga 'ang adunay pagpanghimatuod ni Jesus' dili lamang nagpasabot sa pag-angkon niini, apan kini nagpasabot sa paghupot o sa pagsunod niini isip kabahin sa imong pagtoo.

22. Sa pagpanghimatuod ni Jesus mao ang unsa?

Pinadayag 19:10 _____

23. Kinsa, dili sa pulong sa manulunda ngadto kang Juan, ang adunay pagpanghimatuod ni Jesus?
Pinadayag 19:10 _____

24. Kinsa ang kaigsuonan ni Juan?
Pinadayag 22:9 _____

Tungod kay ang mga profeta man ang nakaangkon niini, ang pagpanghimatuod ni Jesus, o espiritu sa profesiya, sa pagkatinuod mao ang gasa sa espiritu sa tagna. Ang pagkabuhi niini nga gasa, uban sa pagbantay sa tanang kasugoan sa Dios, mao ang duha ka Biblikanhong ilhanan sa Iglesia ni Cristo sa katapusang mga adlaw.

25. Unsa ang giingon ni Jesus nga pagabuhaton sa iglesya, ug dayon sa katapusang muabot?
Mateo 24:14 _____

26. Giunsa paghulagway sa Pinadayag mahitungod sa katumanan niana nga profesiya?
Pinadayag 14:6 _____

Simbolikanhong girepresentahan isip mga manulunda nga naglupad sa taliwala sa langit, ang salin nga katawhan sa Dios makita nga nanagdala sa mensahe sa tibuok kalibutan. Ug tungod niini ang mga kinaiya sa iglesya sa unang mga adlaw nga atong gihisgutan diha sa Pinadayag mao usab ang gamiton aron sa pag-ila kanila sa katapusang mga adlaw.

Diha sa Kahayag sa Pulong sa Dios....

- Ako nakasabot nga ang hisgutanan mahitungod sa iglesya usa ka dakung importansya diha sa libro sa Pinadayag.
- Ako nakasabot nga adunay usa lamang ka tinuod nga pagtoo.
- Ako nakasabot nga ang tinuod nga iglesya mailhan pinaagi sa iyang pagbantay sa tanang napulo ka mga sugo ug pinaagi niini nakadawat ug kaayuhan pinaagi sa gasa sa tagna ug nagsunod sa mga pagtulun-an niini.

Dugang komentaryo: _____

Pangalan: _____

Sunod nga leksyon: **Ang Espiritu sa Profesiya**